



DEO OPTIMO MAX.

UNI ET TRINO,

VIRGINI DEI-PARÆ, ET S. LUCÆ,
Orthodoxorum Medicorum Patrono.

QUÆSTIO MEDICA.

CARDINALITIIS DISPUTATIONIBUS,
*manè discutienda in Scholis Medicorum, die Jovis secundo
mensis Martii, anno Domini M. DCC. XLVII.*

M. ELIA COL DE VILARS, Antiquo Facultatis
Decano, Doctore Medico, Præside.

An renovatus aër sanitati saluberrimus?

I.



ANITAS, vitæ thesaurus. Amissam desiderant omnes, resti-
tutam conservare pauci curant. An ergò nos efficacius movet agro-
tantes recuperandi desiderium? Ab alternâ & æquabili fluidorum
in solida, & vicissim solidorum in fluida reciprocatione, pendet
functionum integritas. Quoties ritè peraguntur, viget sanitas. Iis
depravis aut læsis, pervertitur, vel læditur. Ad vitam perennan-
dam respiratio absolute necessaria: hæc functio vitalis audit apud Medicos;

A

ejus ope, eadem sanguinis copia in adulto per pulmonum lobos trajectitur, ac quæ à ventriculo cordis sinistro protrusa, omnia corporis humani vasa permeat. Mirum sanè quantà velocitate pulmonis tubulorum meandros, absque vitæ detrimento, præterfluere valeat! Mirum magis ab eodem in cursu præcipiti moram neciente, oriri subito anhelitum difficilem, tussim, hæmoptoën, inflammationem, visceris gangrænâ: jam præ foribus mors. Expeditiori igitur per pulmones sanguinis motui omni curâ prospiciendum, si vitæ consulas; nec tam celeri liquorum trajectui per propriam molem par pulmo: quin imò innatâ quâ pollet yi contractili, in diametrorum coarctationem usquè nititur: collapsis tum ac sibi invicem appressis aëreis vesiculis, vasa sanguinea, quæ circa eas in plexus reticulares dispersiuntur, corrugata & compressa concidunt, sanguinis ingressum præpediunt, cessat circulatio, vita. In auxilium jam advocandus aër, qui, dilatato thorace, per glottidem irrumpens, vesiculas explicat, vasa distendit, & humorum circuitum ciendo, restituit: hinc ad eorum motum in pulmonibus promovendum, aëris necessitas & efficacia.

I I.

AER corpus est fluidum, grave, elasticum, condensationis & rarefactionis capax, globum terraqueum quaquaversum cingens. Chaos est universale in quo omnis fermè generis corpuscula simul confusa constituunt aggregatum diversissimis constans rebus. (a) Quantum ad nutritionem & incrementum vegetabilium conferat, vix credibile. Pondere & elatere premit superficiem & succos terræ, quos exsugunt radicum poruli: hinc pro variis fabricâ, organis, varia plantarum species exurgit: iisdem per foramina reſorbentia pabulum advehit; extrinsecus ambit, urget; intus in propriæ substantiæ consortium rapitur solitarius, ut ità dicam, nec, nisi re natâ, vires exerens. Immenſam aëris copiam in solidis plantarum partibus, demonstrant experimenta chymica. Si deficit aër, deficit nutritio, deficit incrementum, planta perit. Nec satis: in animalia jus quoque sibi vindicat aër: purus, serenus, temperatus, leni agitur vento, sanitati saluberrimus. Quanta verò œconomix animali impendeat morborum seges, si miasmatis venenatis, sulphureis, paludosis, &c. ſcateat, norunt quibus talem aërem ducendi lex imposita. Aër est instrumentum universale, elasticissimum, quo imprimis univerſa natua utitur ubique in omnibus ſerè ſuis operibus quæ perpetuò exequitur.... vix ullus est humor cujus non immisceat ſe aër partibus; vix ſolidum undè aliquâ arte educi nequeat. (b)

(a) Boerh.
Elem. Chym.
T. I, p. 246.

Salia, vegetantium partes, animalium ſpiritus, excrementa, ova ſecunda, metalla, auro ne quidem excepto, in ſinu recondit. At, inquires, quâ fieri poſſit, ut aër tot & tam heterogeneis reſerto corporibus, tamdiu ſanus ſibi conſtet homo? Certam eorum duntaxat ac definitam copiam in ſe recipit aërea moles, ultrâ quam nullum patitur & reſpuit: ità providit ſapiens Author naturæ; ex eorum temperatâ miſcellâ, ſit ſalubris (exceptis quibuldam caſibus); forſân his orbarus aër vegetantium & animantium fovendæ vitæ foret inhabilis. (c) Tanta verò commoda ab aëre ſtagnante largiri, ne exiſtimes; imò perpetuò renovatus efficax ſolùm agit.

(b) Boerh.
Eſſai des eff.
de l'air, p.
27. & ſeq.

I I I.

AERIS gravitas & elaterium ſanitati præcipuè opitulatur. Premit undique corporis humani vasa, quorum ſyſtalticâ virtute viciffim premitur. Sublatâ aut imminutâ preſſione hujus fluidi in quâlibet corporis parte, protinus, impete factò, irruunt humores, pars intumeſcit, dolet: demonſtrant cucurbitulæ.

In alimentis intricatus aër, eandem cum chylo viam emensus, sanguineæ molis permiscetur. An in liquores suo tùm agat elatere? Rationi & experimentis minus contentaneum videtur; adeò disjunctæ ac dissolutæ manent ejus molecule, ut nullâ fermè vi compressili & expansivâ gaudeat. Villosos ossium tubulos penetrat, eorum compagem partim efficere indicat analysis cornu cervi. Magna hæc quidem, at longè majora præstat nobis aër enolumenta. Sanguis fons uberimus undè manant omnes quotquot videmus humores, è ventriculo cordis sinistro ad varia propulsus organa, spirituum animalium secretioni in cerebro prospicit, succos salivales, gastricum, pancreaticum, ad proprios usus è gremio perfundit, tenuissimum eructat rorem in interioribus & inter membranas, quò lubricatæ & inunctæ à mutuâ concretionem arceantur, & flexiles, peculiaria obire munia possint. Hæc si penitiùs perpendamus, cuivis innotescet sanguinem, avolatâ in circuitu mobiliori parte, tùm per numerosissima incernicula, tùm per insensilem perspirationem, crassum ac densum ad ventriculum dextrum appellere; mox igitur in globulos rubros veluti compactus abiret, nisi quâdam lymphæ copiâ ab omni corporis puncto reduce, aliquatenus dilueretur. Pulmonum tamen illi trajicienda moles: hujus autem visceris capillaria præterfluere nequâquam nititur, nisi suppetias ferat aër.

¶ V.

PRESSIO aëris in corpus humanum æqualis est vi columnæ mercurii, cujus altitudo eadem ac in Barometro, basis, superficies corporis. Pondus immensum! quod ad triginta & duo librarum millia ad minimum extendi existimatur: hæc pressio unâ sui parte decimâ major aut minor potest fieri; hinc patet quòd pro vario statu aëris, prematur corpus triginta & duobus millibus libris, si ad summum gradum devenierit aërea pressio, tribus verò millibus & ducentis libris sublevetur, si ad infimum gradum fuerit redacta. Ex ascensu aut descensu unius pollicis mercurii columnæ in Barometro, mille libris & ampliùs à se ipsâ discrepat atmospheræ pressio. Mutationes & variationes aëris experiuntur maximè, qui temperamenti delicatioris, doloribus vagis, aut podagræ sunt obnoxii. At nemini parcit imminuta ad certum usque gradum aëris elasticitas aut pondus. Constat quippè certissimis experimentis ab Halesio in rebus physicis versatissimo accuratissimè institutis, vaporibus sulphureis aut animalibus inquinatum aërem, plùs, minùs, vi spoliari elasticâ, ac proindè respirationi exercendæ non idoneum. Idem est ac si exantlaretur aër in machinâ Boyleanâ. Ex certâ & determinatâ aëris quantitate, verbi gratiâ, ex centum pollicibus cubicis, tollatur elaterium quinquaginta pollicum, certè pars superflua vim exeret longè debiliorem. Porro ratione & experientiâ freti contendimus aërem renovatum sanitati maximè conducere. Calor sanguinis nonaginta & duorum graduum deprehenditur; idem calore centum graduum coagulatur: mox igitur in massam scissilem compingeretur ac concrederet, nisi temperatum frigus mutuam molecularum adhesionem arceret. Requiritur agens quodlibet sanguine frigidius, cujus efficacîâ æstus humorum potenter imminui valeat. Aërem renovatum intelligentius, qui frigidior jugiter appellens, sanguini ob reciprocos attritus in pulmone velut ignescenti, salubre refrigerium suppeditat, communicatum calorem sibi adsciscendo (undè in morbis spiritus frigidus lethalis, ait Hippocrates,) immodicam rarefactionem compefcit, circuitum urget ac promover. Ab ejusdem frigidi successivâ applicatione, librarum actio, fluidorum reactio in debitâ temperie fovetur. Testes sunt Rustici qui in agris vitam dogentes, aëre ventis agi-

tato perflati, firmâ fruuntur sanitate; necnon qui ex morbo convalescentes, eodem, suadente Medico, reſecti, priſtinâ ſanitati citò reſtituuntur.

V.

(a) Stat.
des Veget. p.
372.
* Gallicè,
Pintet.

(b) Ibid. p.
204.

(c) Boyl.
de aëre.
(d) Acad.
R. Sc. Par.

(e) Boeich.
Ibid. p. 266.

QUOD diſtat ratio, evincunt experimenta. Invenit Haleſius (a) octo-
menſuras * aëris incluſas in recipiente, reſpirationi inſervire tantum poſſe
ſpatio duorum minutorum & ſemi; de ſe-iſpo narrat quòd ſeptuaginta & qua-
tuor pollices cubicos aëris in veſicâ & epiltomio appoſito contentos, inſpirare
& expirare non potuerit ſpatio triginta duorum minutorum ſecundorum, abſ-
que magnâ ſpirandi difficultate; ſub ſinem minuti adeò laxa & flaccida evaſerat
veſica, ut maximâ expiratione media ejus capacitas aëre non repleretur; elapſo
autem minuti tempore, ſuffocationis metu, recedere coactus eſt. (b) Idem ten-
tavit experimentum in cane cum eodem eventu. Perſpiratio ſuperficiæ corporis
humani æquat circiter trigefimam & quartam partem pollicis ſpatio triginti qua-
tuor horarum; ergò athmoſphæra perſpirationis triginta quatuor diebus pol-
licem denſa foret. Cùm verò conſtet ex ſupradictis aëris exhalatione perſpira-
tionis imbuti elãſticitatem maximam partem deſtrui, turgeſcent vaſa corporis
habitûs, imminuto athmoſphære preſſu, ſui juris facta pulmonum Bronchia,
contracta, ſpatia interpoſita arctabunt, vaſorum ſanguiferorum minuetur dia-
meter, ac, niſi citò renovetur aër, momento cita mors venit. Idem experimur,
ubi frequentes conglomerarum homines; exurgit fumus denſus, calidus, conſ-
picuus, ex animalibus vaporibus ſpiſſatus, cujus elaterium adeò debile, ut, præ
calore actuante, ad auram frigidam captandam, currere vel invitî cogamur. Si
quis ex adſtantium numero, dyſpnœâ, aut lypothimiâ labore, aëre renova-
to & frigido, ſtarim reſcitur; hinc melioris notæ practici Medici aërem renova-
re commendant in cubiculis ægrotantium, quos afficiunt febris ardens, dia-
theſis pulmonum inflammatoria, variolæ. Tunc calore ad ſummum eveſto hu-
morum imminet ſubita condenſatio, nullo forſan reſolvenda remedio. Idem va-
pores ex omni ægrorum genere in Noſocomiis perpetuò exhalantes, morbis
contagioſis ac diu graſſantibus anſam præbent, ita ut qui levi de cauſâ curan-
dos ſeſe committit, graviori morbo correpti, plerùmque pereant, aut conva-
leſcentes recidivam patiantur immedicabilem. Nec homini ſoli propria renovan-
di aëris neceſſitas. Aves in recipiente magno, aëre communi frigido, pleno, ſed
quàm accuratiſſimè claſſo, intrâ horæ quadrantem ægrotat, vomit, poſt tres
quadrantes moritur, (c) Piſces ſub glaciæ, aut in aquâ, undè eductus fuit aër,
citò vitam amittunt. (d) Ova foetus non producent in vitris clauſis, licèt debi-
to tepore fota. Semina plantarum ritè macerata, optimâ commiſſa terræ,
non creſcunt, neque dant vitæ ulla ſigna actuoſæ. (e) His innixi rationum
momentis concludimus.

Ergò renovatus aër ſanitati ſaluberrimus.

Proponerat Pariſiis CAROLUS-FRANCISCUS THEROUIDE
DE TOULOUSE DE VALLUN, Bajocæus, Eques, Doctör
Medicus Cadomenſis, necnon Saluberrimæ Facultatis Medicinæ Pariſienſis
Baccalaureus, A. R. S. H. 1747, à ſextâ ad meridiem.

Typis QUILLAU, Univerſitatis & Facultatis Medicinæ Typographi, 1747.